




CIDER CYCLING, ESPERIENTZIA ATSEGINA

Sagardoaren Lurraldeak tokiko historia eta tradizioa zabaltzeko prestatutako egitasmo eskaintza zabaldu du. Cider Cycling jarduera berriak, esaterako, sagasti artean bizikleta elektrikoan txangoa egiteko aukera ematen dio bisitariari.

Sagardoaren Lurraldeak urteak daramatza sagardoaren eta sagardotegien mundua hiritarrei bertatik bertara eta sakon ezagutzeko sagardoa nola egiten den; baita sagardoaren lurraldearen beraren izaera eta historia ere.

Sagardoaren Lurraldea elkartearen helburu nagusietako bat sagardoaren turismoa publiko berriei hedatzea da, ez bakarrik Euskal Herrikoari, baizik

atzerriko bisitariari ere. Horregatik, aurtun bere eskaintza zabaldu du jarduera berri bat gehituz: Cider Cycling.


Sagasti artean

Bizikleta elektrikoan egindako txangoa da, partaideei aukera ematen diena sagardotegi zaharrak non zeuden ezagutu, sagasti artean paseatu eta txotx egitearen erritu tradizionalaren sekretuak ezagutzeko Astigarragako

Sagardoetxea Euskal Sagardoaren Museoa.

Lau orduko iraupenena du txangoak. Bidean parte hartzaileek zortzi geldialdi egingo dituzte. Geldialdietan, gidak azaldutako argibideen eta bitxikerien bidez, bisitariak sagardoa egin ohi zuten Santiagomendiko (Astigarraga) baserrien historiari buruzko sekretu askoren berri izango du, baita sagardoaren kulturaren ingurukoak ere. Euskaraz, gaztelaniaz, frantsesez edo ingelesez egin daiteke ekimena, eta, betiere, beharrezkoa da aurrez erreserba egitea.

Txangoa Sagardoetxean hasi eta amaitzen da. Santiagomendi barrera joango dira, Donostiako Badiarantz dauden paisaia naturalez, mendiez eta



Bizikleta elektrikoarekin egiten den txango ederra da Cider Cycling jarduera. SAGARDOAREN LURRALDEA

sagastiez gozatzeko aukera emanaz, eta ondoren, museoko bisita egingo dute, sagardoa dastatuz pintxo batzuekin.

Cider Cycling jarduera urte osoan zehar egiteko aukera dago, asteko edo zein egunetan, astelehenetan izan ezik. Irteera 10:00etan da.

Jarduera ugari

Halaber, Cider Cycling esperientziaz gain, Sagardoaren Lurraldeak bestelako jarduerak ere eskaintzen ditu, bisitari bakoitzak bere neurrira bizi dezan sagardoaren kultura.

Horiei guztiei buruzko argibideak eta informazio guztia www.sagardoarenlurraldea.eus helbidean aurki daiteke.

JARDUERAK

Museoa eta sagardotegia: Sagardoetxea museoa osatzen duten sagastiaren eta museo gunearen bisita eta sagardo dastatzea. Ondoren, ikasitakoa praktikan jartzeko aukera sagardotegi batean. Denbora gehiago dutenek asteburū gastronomikoa aukera dezakete.


Sagardoa eta itsasoa. Bidaia harrigarria: Sagardoak itsasoa rekin duen harremana ulertzeko, Sagardoetxea ezagutu eta sagardotegi tradizional batean otordua egiteaz gain, itsasontzi batean bidaiatu eta kostaldeari edo itsas tradizioari buruzko museo bat bisitatuko du bisitariak, Albaola edo Aquariuma.

Xendazaletasuna eta ibilaldiak: Santiagomendiko paisaia

naturalaz oinez gozatzeko aukera, tokiko baserrien historia, biztanleen bizimodua eta Gipuzkoako Donejakue bidearen puntu esanguratsuenak ezagutuz.

Sagardoaren herrietara bisitak: Astigarraga, Hernani eta Usurbilgo tourrak. Gainera, aukera dago erremontisten azalean jartzeko Galarretako frontoian, tren berdean Hernaniko kaleetan barrena joatekoa edo Usurbilgo *Harria Hitz* ibilbideaz gozatzeko *app* baten laguntzaz.

Sagardoa eta gazta. Egiatzko zapoaren uztartzea: Bi produktu tradizional hauek hobeto ezagutzeko, Sagardoetxea eta Idiazabalgo Gaztaren Interpretazio Zentroa edo gaztandegi batera bisita lotzen ditu.



Sagarrondoan ondoan egiten da txangoa. IMANOL OTEGI / ARGAZKI PRESS